



Шочмо эл, порывик да гим верр!

Будь готов/

ЯМДЕ ЛИЙ

1933 ий 1 февраль годсек лектеш.

0+

Фотопроект

Муниципальное бюджетное общеобразовательное учреждение
средняя общеобразовательная школа №16 города Йошкар-Олы

Школа №16



1959 год



Фотошто: Йошкар-Оласе 16-шо номеран школын 5-ше «Б» классыштыже чыла «5»-лан тунемше, юнармеец, «Орлы» командын командирже Ульяна Наумова. Тудо Йоча да самырык-влак технике усталык республиканский рүдерын «Юный радист» кружокшын ик эн уста радистше, 3-шо юношеский разрядым налын, Морзе азбукум сайын пала. «Военный радист» спорт да патырлык республиканский модмаште 2-шо верыш лектын. Скоростной радиотелеграфий дене всероссийский танасымаште (Екатеринбург ола) «Отличное качество передачи» грамот дене палемдалтын.



Л.ГРИГОРЬЕВАН фотожо.

Лудса:

Йошкар-Оласе
16-шо номеран школышто
«Юнармий» толкын
могай пашам шукта?

МАУ9.RU
Интернет-сайтгыште
сар нерген тўрлў уверым
лудын кертыда. **3**

Сенгымашын лого-
типше мом ончыкта?

Йоча-влак сар нерген
шонымашыштым возат. **4**

«Пётр I» рубри-
кына умбакыже шуйна.

Юнкорна-влакын кугезе
ковашт сар жапым
шарналтат. **5**

23 февраль –
Шочмо элым аралышын
кечыже. Коча, ача, иза-
влак, налза
саламлымашым! **6**

Икымше марий
погын нерген пален
налнеда – тиде
лаштыкым почса. **7**

ПОДПИСКЕ

«Ямде
лий» газет-
лан кажне тылзын 15-ше
числа марте
почто отделе-
нийлаште
возалташ
лиеш.
Индекс –
П4696.



Рекламе.




worldskills

Марий
Элыште
17-21

февральыште «Самырык профессионал-влак» (WorldSkills Russia) регион кукшытан VIII Открытый чемпионат эртаралтын. Тудын тун шонымашыже – пашазе професийын авторитетшым нолташ. Чемпионатыш Марий Элысе 32 тунемме тонеж гыч 14-22 ияш 315 удыр-рвезе ушнен. Эн изи ийготан – Кужанер посёлкысо 1-ше номеран школ гыч Иван Головин. Тудо кермычым оптымаште мастарлыкшым терген. Тиде пашалан пел ий ончыч шумангын. Туныктышыжо – Е.Н.Дудина.

Ончыкыжым рвезе шке гыч портым чогаш шона.



Йулам аралат



Авторын фотожо.

Конга – портын чонжо. Тудо шокшым пуышо, суртым аралыше. Конга нерген шуко калык-мутым, поро шомакым 12 февральыште Кужанер районышто колаш лийын. Тушто «Конга пайрем» районысо фести-

валь тений кандашымше гана эртаралтын. Шернур районысо фольклор коллектив-влак да тыгак вес районла гыч толшо уна-влак весела куштымаш, калык муро, йула-влак дене калыкым куандареныт. Кужанер район Шудымарий школ пеленысе фольклор ансамбльыш коштшо удыр-рвезе-влакым районысо мероприятийлаште чучкыдын ужаш лиш. Ты пайремат нунын деч посна эртаралын огыл. Изи артист-влак марий йула нерген «Шинчымаш кас» сценкым модыныт (**снимкыште**).

– *Ме кажне йулам тунемына. Калык мурым мурена, куштена, тыгак сценке-влакым шындена. Шочмо йылмым, йулам арален кодымо шонымаш дене ты ансамбльым чумырымо. Йоча-влак чыланат марла кутырат, ансамбльыш куанен коштыт,* – оила ансамбльым вуйлатыше И.Н.Горонова.

Е.ИВАНОВА.

Лудыкшо



ситуация

йышке логалында, корно туткарым, пожарым, преступленийым але общественный порядкым пудыргытымашым шекланенда, медицине полыш кӱлеш гын, йынгыртыза.

- ✓ 112 номер сутка мучко пашам ышта.
- ✓ Мобильный, стационар телефон, телефон-автомат гыч яра да SIM-карте деч посна йынгырташ лиш.
- ✓ 112 номер справке службо огыл. Йоча-влак, уто йодыш дене ида йынгырте!

Ик еш семын илена

5-ше классыште 21 тунемше улына. Ксения Бессонова чыла «визытанлан» тунемеш, индешын ударник улына. Йоратыме урокна – географий. Тудым класс вуйлатышына Л.Л.Аканаева вӱда. Людмила Леонидовна – пенгыдын йодын моштышо туныктышо. Школышто 24 ий пашам ышта. Ме школысо «Живая планета» кружокыш коштына. Тушто школ лесничестве направлений дене пашам шуктена. Ксения Бессонова, Софья Матвеева да Виктория Мшарова лесничестве-влакын конкурсышкышт ушненыт. Грамот да полек дене палемдалтыныт. Йочадагыш коштшо нюга-влакымат огына мондо. Шукерте огыл корнышто коштмо правил-влак дене палдараш миенна. Модыш-влакым эртаренна. Ксения Бессонова ден Вика Осипова ДПС инспекторын рольжым модыныт, а Кирилл Корнилов Буратино лийын.

Софья МАТВЕЕВА, Алина НИКОЛАЕВА.

Волжский, Пӱтъял.

7-18 ияш-влак, Кугу Ачамланде сарыште Сенгымашлан 75 ий да Россий МЧС-ын Марий Элысе Тунг управленийжылан 30 ий темме лумеш «Тул модыш огыл!» йоча усталык смотр-конкурс ушныза. Сӱретым сӱретлаш, тӱрлӱ поделкым ышташ лиш. Икымше этап 17 март марте шуйна.

Йошкар-Оласе Т.И.Александрова лумеш 11-ше номеран лицей «Александровские чтения» республиканский шанчепрактике конференцийым эртара. Туныктышо, студент да тунемше-влак шымлыме пашашт дене ушнен кертыт. Йодмашым да шымлыме пашан тезисшым 10 март марте alchternia@mail.ru электрон почтыш колтыман.

Йошкар-Оласе 21-ше номеран школын, 11-ше номеран лицейын, Козьмодемьянск оласе «Дарование» школ-интернатын, Курыкмарий районысо Микрак школын музейыштым Российын эн сай школ тоштерже радамашке пуртеныт. Тидым Моско оласе Сенгымашын тоштерже эртара. Ушнаш кумылда уло гын, уверым victorymuseum.ru/projects/school-museum сайтыште ончыза.

Юнармеец лияш – куан да чап

2020 ий – Шарнымаш да чап идалык.



Фотом школ архив гыч налме.

«Юнармий» йоча да самырык-влак всероссийский военно-патриотический толкын 2016 ийыште виянш тўналын. Йошкар-Оласе 16-шо номеран школышто тунемше-влак Марий Элыште эн ончыч юнармеец радамыш ушненыт (2017 ий). Школышто «Юнармий» толкыным директорын воспитательный паша шотышто алмаштышыже, «Юнармий» рўдоласе штабын егже О.А.Алдынова вуйлата. – Школна «Юнармий» толкынын пашажым вияндыше инновационный площадкылан шотлалтеш, – ойла Ольга Александровна. – Марий Эльсе МЧС дене кылым кучена. Йоча-влак МЧС-ын историйже, военный технике дене палыме лийыныт. Тений Йошкар-

Оласе «Азимут» йоча да самырык-влак рўдер дене ваикылым ыштенна. Ёдыр-рвезе-влак спорт ориентирований дене шинчымашым налыт, икымше польшыым пуаш тунемыт. Тўрлө таңасымашке ушнат, сеғы-маш-влак дене куандарат. Кажне кечын строй дене коштыт, автоматым писын погымо да рончымо мастарлыкыштым вияндат.

5-ше «Б» классын командирже – Ульяна Наумова. Тудо йолташыже, туныктышыжо-влакын ўшаныштым сулашак тырша. «Ме 3-шо классыште тунемме годым юнармеец радамыш ушненна. Товатлыме мутым ойленна, – каласкала Ульяна. – Шкенан девизна, мурына уло. Юнармеец лияш – куан да чап. Йолташем-

влак чолга улыт. Чылан спорт дене кылым кучат, тўрлө кружокыш коштыт. Костя Васильев спорт ориентирований дене ятыр сеғы-машке шуын. Шукерте огыл «Весёлые эстафеты» оласе спорт турнирыште таңасенна. «Дружная команда» таңасыште сеғышыш лектынна.

Йошкар-Оласе 16-шо номеран школышто тунемше-влак Оборонно-массовый да военно-патриотический паша месячник годым кумло утла мероприятийым эрта-реныт.

Л.ГРИГОРЬЕВА.

Снимкыште: 16-шо номеран школын юнармеецше-влак – Марий Элын шочшыжо, Тўнямбал танк биатлонышто Россий сборныйын командирже, лейтенант Дмитрий Иванов дене пырля.



Марий Эл Республикыште 92 кадет класс, 83 военно-патриотический клуб, 144 юнармий отряд уло. Чылаже 8 тўжем 600 наре йочам авалтыме.

Шучко жап ок мондалт!

Сар... Шучко мут! Лўйкалымаш да пудештары-маш, шикш да мланде, айдеме вўр дене варналтше Кугу Ачамланде сар! Ныл ий шуйнышо шучко жап нигунамат ок мондалт. Сареш моткоч шучко миллион ен вуйжым пыштен, нунын кокла гыч – 26 миллион утла совет калык. Марий кундемна гыч Кугу Ачамланде сарыш 140 тўжем утла ен каен. Тышечын 74 тўжемже шочмо мландыш, шочмо суртыш пўртылын огыл. Совет калык але марте уждымо патырлыкым, пенгыдылыкым ончыктен. Нунын Шочмо элым йўратымышт тўн вий лийын да тушман ваштареш уло ўнар дене кредалаш полшен.

Эльмир АНИСИМОВ.

У Торъял, Токтарсола.



MAY9.RU Интернет-сайтыште Кугу Ачамланде сарыште Сеғымашлан 75 ий теммылан пўлеклалтше тўрлө уверым верандат. Сар нерген мурым колышташ, ола-герой нерген пален налаш лиеш.

Сеғымашлан – 75 ий

«Ямде лий» 2020 ий 22 февраль





2020 ий – Шарнымаш да чап идалык.

Кунам шемер айдеме шүм-кыл шолын,

Карген войнам, мир верч кучедалеш. Ом ойло весым,

тидын дечын молым.

Түняште мирым аралаш күлеш. Тетла тыгай жап ынже тол мемнан дек. Тек ынышт код йоча-влак тулыкеш. Тек сар тул дене ынже йүлө мланде. Тый, тыныс илыш,

шарле кумдыкеш...

В.ИСЕНЕКОВ.



Сенгымашын логотипше стрелкыла гыч шога. Тыгай стрелкыла дене сар годым совет войска-влакын генштабласе картлаштышт военный манёвр-влакым ончыктеныт. Стрелке-влак совет войска-влакын, тушманым сенген, ончыко кайымышт нерген ушештарат. Йошкар тус Сенгымаш тистын тусшылан кельштаралтын. Ош тус тыныслыкым, арулыкым, шошым ончыкта.



Фотом Интернет-гыч налме

А – армейская
В – воля
А – атака
Н – напор
Г – гордость
А – активность
Р – России
А – дозор

Йошкар-Ола воктен ысе «Куан энер» санаторий-профилакторий пелен самырык-влакым военно-патриотизм шүлышеш воспитатлыше «Авангард» тунемметодике рүдер почыл-

теш. Тушто кугурак класслаште тунемше-влаклан военный сбор эртаралташ тўналеш. Салтак радамыш каяш ямдылалтше-влак тўналтыш шинчымашым налыт. Кадет да юнармеец-влак профильный лагерь сменяш погынат.



Кугу Сенгымашлан 75 ий темме

Блокадысе кинде

вашеш школышто түрлө мероприятий эртаралтеш. Историйым туныктышо З.Ф.Богданова класс шагат годым «Блокадысе кинде» акцияым эртарыш (снимкыште). Акцияын символжо – 125 грамм кинде. Школышто 125 грамм киндым йошкар куэм дене леведме үстембаке пыштыме. Воктеныже – блокадысе киндын рецептше. Туныктышына Ленинградысе блокаде нерген каласкалыш, видеороликым ончыктыш. Зоя Федоровна мемнан ял гыч Ленинградым аралымаште лийше-влак нерген палдарыш.

Мероприятий чонешна кугу кышам кодыш. Полина ПЕТУХОВА.

У Торъял, Кузнеч.

Кочам гай лийнем

Кугу Ачамланде сар кажне ешыште кышам коден, очыни. Мемнан ешнат öрдыжеш кодын огыл. Кугезе кочамын лүмжө – Николай Фёдорович Шишкин. Тудо 1922 ий 20 майыште Параньга район Эльпанур ялыште шочын.

1941 ийыште Совет Армий радамыш налыныт. Кочам Ленинград кундемесе Волхов фронтыш логалын. Кидше сусыргымеке, 1942 ийыште мөнгө пörтылын. Тудо шкеж нерген каласкалаш йöратен огыл, садлан шагал палена. Ковамын ойлымыж гыч палем: кочамын медальже да орденже шуко лийын. Мыят кочам гай лүддымө лийнем.

Яна АЛЕКСЕЕВА.

Кужэгер школ.

Совет салтак – герой

Кугу Ачамланде сар нерген кино, книга, вашлиймаш, каласкалы-маш гоч палена. Сар годым кажне салтак лүддымылыкым ончыктен, тушман ваштареш, илышыжым чаманыде, чот кредалын. Кажныже сенгымашым лишемдаш полшен. Совет салтак, чыташ лийдыме нелылыкым чытен, фашист-влакым сенген. Тыгай подвиг нигунам огеш мондалт.

Настя ОХОТНИКОВА.

Морко, Коркатово.



Сенгымашлан – 75 ий



«Ямде лий» 2020 ий 22 февраль



Советский районышто
Сенгымашлан 75 ий тем-
мылан пӧлеклалтше сӱрет
конкурсум увертарыме.

Тунемше-влак ик арня сӱретлышт. Нуно
«Никто, кроме нас», «Поклонимся великим тем
годам», «Пусть всегда
будет солнце» теме-влакым ойырен налыныт.

Р.Г.АНТРОПОВА,

туныктышо.

Ӧрша школ.

*Марий Эл
Республикын социаль-
ный виянмаш министр-
терствыжын данныйже
почеш, 2020 ий 1
январьлан республи-
кыште 277 сарын вете-
ранже да 4790 тылын-
труженикше улыт.*



Настя УРСАКИН
сӱретше.

**2020 ий –
Шарнымаш да
чап идалык.**



Палаш онгай

Кугу Сенгымашлан 75 ий темме лӱмеш «Оружие победы» серий кышкарыште 25 тенгеаш оксам лукташ тӱналыт. Диаметрже – 27 миллиметр. **Снимкыште:** ТТ пистолетым шонен лукшо, конструктор Фёдор Токарев лӱмеш окса.



Сарын шем кышаже

Кугу Ачамланде сар кажне енын чоныштыжо шем кышам коден. Ковам Клавдия Петровна Янгелова 92 ияш. Тудо сар годсо илышым сайын шарна. Йодыштмем годым шинчавӱдшым ӱштыльӧ да



шарналтен-шарналтен ойлаш тӱнале: «Война тӱжалме годым мый 14 ияш лийынам. Ачамын сарыш кузе кай-ымыже шинча ончылнем тачат коеш. Черле ыле, тоям тоялен, пӧрт гыч лекте. Мый кугурак икшыве лийынам, авай – эре пашаште. Ачам авайлан полшаш да шольо-шӱжарым ончаш ойлен кодъш. Тылеч вара ачамым ужаш пӱралтын огыл улмаш. Сар годым ялыште илалше-влак, ӱдырамаш да йоча-шамыч веле кодынна. Шуко паша логалын. Мый фермыште тыршенам, изинек имне дене коштынам. Кастене салтак-влаклан фронтыш колташ носким, пижым пидме». Ковам шуко каласкалыш. Мый, тудым чама-нен, шып колышт шинчышым.

Настя ИВАНОВА.

Морко, Коркатово.

Снимкыште: ковам ден Артём шольым.



Кугезе ковам – Пелагея Ивановна Пичушкина (**снимкыште**). Тудо 1933 ий шыжа тылзын 8 кечынже Шернур район Пигурык ялыште шочын. Сар годым уло еш дене сенгымашым лишемдаш полшен-ныт. Аваже имне дене шурным олашке шупшыктен, а кугезе ковам 9 ияшак, ӱшкыжым вӱден, пасум куралын, йытын кылтам пидын. Фронтышко колташ солыкым тӱрлен, пижерге ден носким пидын. Пелагея Ивановна ожнысо илыш нерген шыргыжалын, коклан шортын каласкала. Тудын 16 уныкаже, 17 кугезе уныкаже улыт. Кужу ӱмыран лий, ковай!

Марий Турек посёлко.

Юлия УСОВА.

Исторический документлан ӱшанаш гын, Петр I капше 2 метрат 4 сантиметрыш шуын. Но тидын годым тудо 38-ше раз-



Петр I – 350 ий

меран йолчиемым да 48-ше размеран вургемым чиен.

Петр I келге шинчымашым налын огыл, сандене эре йонгылыш дене возкален.

Чурийвылышыж дене аважлан, кугыжан вате Наталья Кирилловна Нарышкиналан, келшен толын.

Петр I эрдене 3 але 4 шагатлан кынелын. Пел шагат пӧлем мучко коштын, вара пашалан шинчын.

Петр I тӱрлӧ сомыллан пижын. Историй гыч пале, тудо ен-влакын пӱйыштым луктеден. Эсогыл таза пӱйымат вожге шӱдырен луктеден. Ойлат, йыдалым пидаш толашен, но ик мужырымат пидын шуктен огыл.

Петр I патыр лийын, тудо ший талингам пуч семын лаштыртен кертын. Неле товарым да чӧгытым нӧлтыштман пашам шуктен.

Книгам лудса:

Николай Павленко
«Петр I». «Молодая гвардия» издательстве (2005).

Кугезе ковам – Пелагея Ивановна Пичушкина (**снимкыште**). Тудо 1933 ий шыжа тылзын 8 кечынже Шернур район Пигурык ялыште шочын. Сар годым уло еш дене сенгымашым лишемдаш полшен-ныт. Аваже имне дене шурным олашке шупшыктен, а кугезе ковам 9 ияшак, ӱшкыжым вӱден, пасум куралын, йытын кылтам пидын. Фронтышко колташ солыкым тӱрлен, пижерге ден носким пидын. Пелагея Ивановна ожнысо илыш нерген шыргыжалын, коклан шортын каласкала. Тудын 16 уныкаже, 17 кугезе уныкаже улыт. Кужу ӱмыран лий, ковай!

Сенгымашлан – 75 ий

«Ямде лий» 2020 ий 22 февраль



**23 ФЕВРАЛЬ –
ШОЧМО ЭЛЫМ
АРАЛЫШЫН
КЕЧЫЖЕ.**



Таза лий

Ачам мыйын эн поро,
Мылам – эн сай йолташ.
Ачаем моткоч вяян,
Йората пашам ышташ.
Йората мемнам,
Шке элжым арала.
Нимо дечат огеш лүд,
Чылалан полша.
Йоратыме ачамым
Моткочак пагалем.
Таза да пиалан лий –
Тылат мый тыланем.

Елена СЕМЕНОВА.
Национальный президент
школ-интернат.

**Изамым
йоратем**

Изамын лүмжө –
Женя. Тудо шукертак
школым тунем пытарен,
Йошкар-Олаште ила,
заводышто пашам ышта.
Кажне каныш кечылан
мемнан деке толеш. Ме
изам дене сай йолташ
улына, ваш-ваш секрет-
тым ойлена, телефон
дене мутланена. Мыйым
гын чот чамана, эре
пөлекым налын конда.
Мыят тудым йоратем,
тудын дене кугешнем,
23 февраль пайрем дене
саламлем.

Дарья ЗАГАЙНОВА.
Советский, Кельмаксола.



Сенымашлан – 75 ий

Ачана нерген

Ачамын лүмжө – Алексей. Тудо
Лажъял школым тунем пытарен.
Варажым Йошкар-Олаште агро-
номлан тунем лектын. А кызыт
Москошко пашаш коштеш. Тудлан тушто шуко неле паша логалеш.
Ачам мыйым мече дене модаш, компьютер дене пашам ышташ
туныкта. Мыланем мечым, велосипедым пөлеклен.
Мый ачамым йоратем, пайрем дене саламлем.

Антон АБРАМОВ.

Ачам строительлан пашам ышта. Тудо тора Моско олашке
пашаш кудалыштеш. Ачам у пörтым чоҥа. Тудо еҥ-влаклан куа-
ным конда.

Ачамын кидше шöртнö, чыла пашалан пеш мастар. Тудо
мыланнат у пörтым чоҥа. Вет кажне еҥын шке сурт-оралтыже,
ешыже лийшаш. Мый ачамым пагалем да йоратем. Тудын паша-
же эре ушныжо.

Шернур, Лажъял.

Аделина ТЮЛЮПОВА.



Тельняшкан
военный-
влакым
кычал.

Кок танкис-
тым му.

Кудыжо
тыште
генерал?

**2020 ий –
Шарнымаш да
чап идалык.**



Чүчүэмын лүмжө –
Валера. Тудо школышто
тунеммыж годымак шкен-
жым армийлан ямдылен:
кажне кечын эр-кас
куржталын, турникыште
упражненийым ыштылын.

2012-2013 ийлаште
армийыште служитлен,
вара контракт дене
тушан кодын. «Витязь»
отряд дене Дагестаныште,
Чечняште лийын.

Аня ЛИСКОВА.
Кужэҥер, Руш Шой.

Ачаем

Ачаем пеш весела,
Мурен, куштена
мошта.
Порын шыматал колта.
Уло ешнама пагала.

Катя ИВАНОВА.
Параньга, Матародо.
Туныктышо –
А.В.МОРОЗОВА.

Пайрем дене!

Ачам Юрий Петрович Йошкар-Олаште
Росгвардийыште пашам ышта. Тудын пашаже лүдык-
шö, но күлешан. Тыныслыкым, калык кокласе келшыма-
шым арала. Мый туддене кугешнем. Паша гыч ноен
толеш. Мый ачамым чаманем да умылем. Каныш кечылам
пырля эртарена: сурт кокласе сомылым ыштена, пүртү-
сыш лектына. Ачамым пайрем дене саламлем. Кужу ўмы-
рым тыланем.

Екатерина ГУРЬЯНОВА.

Медведево, Шойбулак.



«Ямде лий» 2020 ий 22 февраль

Съездыш 178 делегат чумырген. Уна-влакге шотлаш гын, 200 утла ег толын:
Уфа губерний – 130 ег, Озан губерний – 19 ег, Виче (Вятке) губерний – 27 ег, Пермь губерний – 1 ег (М.Кансяфаров), Лифляндий – 1 ег (А.Перк).




Икымше Всероссийский Марий Съезд 1917 ий 28 июль гыч 7 август марте (тошто стиль дене 15-25 июльышто) эртен.

Программын ужашыже-влак:

- 1) политике да экономике, социальный йодыш-влак;
- 2) калык просвещений;
- 3) савыктыш да калык усталык; 4) йўла (религий) йодыш.


Съездын пунчалже почеш 1917 ий 25 августышто «Ўжара» газетым лукташ тўналыныт. 1918 ий декабрь марте савыкталтын.



Тўналтышым пыштыше-влак

Валериан Михайлович Васильев (Ўпымарий)

Павел Петрович Глезденёв



Вер: Ўпö (Уфа) губерний, Пүрö (Бирск) ола. Инородческий учительский школ. Кызытсе Пошкырт кундем.

24 февраль-1 март – Ўярня.

Ўярня мелна

Кўлыт: 600 мл шолтымо вўд, 600 мл шөр, 4 муно, 1,5 стакан ложаш, 1,5 стакан крахмал, 3 совла шўшмўй, 3 совла сакырложаш, 1 изи совла шинчал.

1. Муным луген, сакырложаш ден шинчалым пышташ. Шөрým опталаш, ложаш ден крахмалым ушаш.
2. Тушкак шулыктымо шўшмўй ден шолтымо вўдым опталаш. 30 минутлан кодаш.
3. Мелнам кўэшташ.

Мастар кид

Тыгай Ўярня модыш-влакым ыштыза.



«Ямде лий» 2020 ий 22 февраль



Сўретым чиялте.

Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Массовый коммуникаций сферыште да культур наследиим аралымаште законодательствым шуктен шогымым эскерыше Федеральний службын Приволжский федеральный округысо управленийыштеже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+


Печатьыш пуымо жап – 14-00, фактически – 13-00

Авторын да редакцийын шонымышт тўрлö лийын кертыт. Серыш-влак мöнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пöрт.
Тел. 8(8362) 45-22-82(факс)



Тиде квадраттыш
1 гыч 5 марте
цифр-влакым тыге
варагдаш күлеш: числа-
влакын суммышт кўшы-
чын ўлыгат, шолла гыч
пурлашкат, ыреслат
икнарак лийже.




Палыза


– Шахмат тунеммаште полша,
– ойлат Морко район Коркатово
лицейыште икымше классыште
тунемше-влак Ярослав Яковлев,
Миша Губашов да Богдан
Дмитриев (**снимкыште**). Нуно,
яра жап дене пайдаланен,
кажне кечын шахмат
тўняшке у ошкылым
ыштат.

Модышла
коклаште
шахмат
фигур-влак
кычал.

**В.СМИРНОВЫН
фотожо.**



Ик шырпым верже дене
вашталтен, чын вашмутым
ыштыза.



Икте
пўртым сўретла,
Весе тулым чеверта.
Кумшо сълнешта кавам,
Олык лапым, чодырам...
Ўрдыжеш ок код иктат,
Уло кумылын тыршат.



Уло тудын
кум шинча,
Йўдшў-кечыже онча.
Тўрлў семын пўялеш –
Мыланна каяш лиш.

А.БОГДАНОВ.



Ориналан
полшыза. Тиде сўретыште
чылаже мынар онго, квадрат,
прямоугольник да треугольник
шылыныт?

Айста модына

**Пошкудетым
каласе**

Ик йоча мечым налеш, мольшт
йырже шогалыт. Вўдышў мечым
иктаж-кудо модшылан шуа да 0 гыч 10
марте могай-гынат цифрым каласа.

Мечым кучышо ег кок могыр
«пошкудыжын» числа-
жым ойлышаш. Шка-
ланже каласыме цифр
деч изиракым да кугуракым.
Тидын деч вара шке числажым
каласа да мечым весылан
шуа. Мечым кучышо ег
пошкудыжын числажым
йонгылыш ойла гын, модмаш
гыч коранеш.



Интернетесе сўрет-влакым кучылтмо.



8 ойыртемем му. Тиде сўрет могай
мультфильм гыч? Умбакыже герой-влак
дене мо лийын, возен колто.

